

Kalaallit Nunaanni nunat aqqinut aalajangiisartut pillugit Inatsisartut inatsisaat

§ 1. Kalaallit Nunaanni nunat aqqinut aalajangiisartut suliassaraat Kalaallit Nunaanni nunat aqqi, allanneri naalisarnerilu ilanngullugit, aqqusernit illoqannginnersallu taaguutaat kisiisa pinnagit, katersussallugit, nalunaarsussallugit atuuttussanngortissallugillu.

Imm. 2. Aalajangiisartut suliassaraattaq Kalaallit Nunaanni pisortat aamma kikkulluunniit Kalaallit Nunaanni nunat aqqi pillugit ilitersortassallugit.

Imm. 3. Aalajangiisartut aamma suliassaraat suliffeqarfiit inuillu kalaallisut aammalu Kalaallit Nunaanni nunanik atersuisartut imaluunniit atissanik inassuteqartartut suleqatigissallugit.

§ 2. Aalajangiisartut tallimanik ilaasortaqqarpud. Taakkunannga ilaasortat pingasut Naalakkersuisunit toqqagaassappud, ilaasortallu marluk Oqaasiliortut ilaasortamik akornannit toqqassavaat.

Imm. 2. Ilasortat ukiuni sisamani atasartussatut toqqarneqartassappud.

Imm. 3. Aalajangiisartut namminneerlutik siulittaasortik qinertassavaat sulinerminnilu ingerlatseriaasissartik aalajangersassallugu, taamaattorli tak. § 4.

§ 3. Kalaallit Nunaanni nunat aqqinut aalajangiisartut allattoqarnerat pillugu malittarisassat erseqqinnerusut Naalakkersuisut aalajangersassavaat.

§ 4. Kalaallit Nunaanni nunat aqqinut aalajangiisartut sulinerat pillugu malittarisassat erseqqinnerusut Naalakkersuisut aalajangersassavaat.

§ 5. Inatsisartut inatsisaat una atortuulerpoq 1. januar 1990.

Namminersornerullutik Oqartussat, ulloq 26. oktober 1989

Jonathan Motzfeldt

/

Jens Lyberth

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut